

## ORDINUM Characteres.

## I. ACCIPITRES.

ROSTRUM (*Uncus trahens*) subincurvatum. Mandibula superiore pone apicem utrinque dilatata s. dente armata: Naribus patulis.

PEDES insidentes, breves, robusti: *Digitis* sub geniculis verrucosis, Unguibus arcuatis acutissimis.

CORPUS Capite Colloque musculosis; *Cute* tenaci. Impurum.

VICTUS: Laniena Rapinaque e cadaveribus.

NIDUS in altis; *Ova* circiter 4; *Femina* praestantior. Monogamia.

Analogi *Feris*.

## II. PICAE.

ROSTRUM (*Cuneus sarriens*) cultratum dorso convexo.

PEDES ambulantes, breves, validiusculi.

CORPUS tenaciufculum impurum.

VICTUS e Quisquiliis.

NIDUS in Arboribus; *Mas* alens feminam incubantem. Monogamia.

Analogae *Primatibus*.

## III. ANSERES.

ROSTRUM (*Cribrum colans*) laeve, epidermide tectum, apice auctum.

PEDES natatorii digitis membrana palmatis: *Tibiis* compressis, brevibus.

CORPUS pingue, *Cute* tenaci, Plumis praestantioribus. Rancescens.

VICTUS in Aquis ex Plantis, Piscibus etc.

NIDUS saepius terrestris. *Mater* rarius porrigit pullis; frequentius Polygamia.

Analogi *Belluis*.

## IV. GRALLAE.

ROSTRUM (*Bacillus tentans*) subcylindricum.

PEDES vadantes *Femoribus* seminudis.

CORPUS

CORPUS compressum *pelle* tenuissima; *Cauda* brevi; Sapidum.

VICTUS in Paludibus ex animalculis.

NIDUS in terra saepius; Nuptiis variis.

Analogae *Brutis*.

#### V. GALLINAE.

ROSTRUM (*Harpa colligens*) convexum: *Mandibula* superiore fornicata supra inferiorem; *Naribus* membrana cartilaginea fornicatis.

PEDES cursorii *Digitis* subtus scabris.

CORPUS sebaceum, musculosum. Purum.

VICTUS in Terra e Granis in ingluvie macerandis. *Pulveratrices*.

NIDUS in Terra absque arte; *Ovis* numerosis. *Pullis* cibus monstrandus. Polygamia.

Analogae *Pecoribus*.

#### VI. PASSERES.

ROSTRUM (*Forceps excipiens*) conico-acuminatum.

PEDES salientes, teneri, fissi.

CORPUS tenellum: *Granivoris* Purum, *Insectivoris* Impurum.

VICTUS in arboribus e Seminibus aut Insectis.

NIDUS artificiosus; *Pullis* cibus inculcandus. Monogamia. Cantus.

Analogi *Gliribus*.